

Transkription von Urkunde SWN 1331d

Ort, Datierung: Schwerin, 1331-02-06

Signatur: Landeshauptarchiv Schwerin, Rep. 1, Gutsurkunden, Cambs 1b

Inhalt: Georrius Pren: Schiedsspruch

Bemerkung: Vergleiche Urkunde SWN_1331c als Ausfertigung für den Vertragspartner

Wi her georrius pren en ridder vn(de) henneke pren vn(de) goschal¹ pre(n) be kennet des in desser scrift . Dat vse edele here greue hinrick van zverin . h[*eff*] / ene ganzse sone ghe deghedinghet twschen vs vnde vsen erfnamen vnde vrönden af en sit . vnde albern bonsak vnde hartewich ramekendorp vnde eren / erfnamen vnde vrönden af ander sit . vm de schelinghe de wi mit en hadden vm de neghen houe vnde eyn verdendel de wi ver koft hebben alber[n] / bonsak vnde hartwich ramekendorpe vnde eren erfnamen de lighet to camptze also hir na screuen steyt . Dat sze vnde er erfnamen de neghen houe vnd[e] / eyn verdendel vmbe woren be holden vnde hebben scolē . mit holte mit wate(re) . mit weyde mit aller nut vnde vröcht mit richte mit rechte to man / also wi her georrius vn(de) ioh(an) vnde goschalk vn(de) vs erfnamen hebben ghe hat . Ok schole wi . her georrius vn(de) ioh(an) vn(de) goschalk vn(de) vse erfnamen / vn(de) vrönt se van sculden vn(de) van broke nemen . van vsume . Edelen heren greuen hinrike vn(de) iuncheren clawse se en to vrönde maken . vm dat rameken[*dorp*] / vn(de) gert bonsak . vs vnde vse vrönt her georrius in erme lande venghen vnde se vt erme lande vorden . twschen hir vnde paschen Ok vm [*dat*] / wi her georrius vnde ioh(an) vnde goschalk vt erme gode nemen vnde nemen leten to vnrechte . Dar schole wi en vmme don twschen [*hir*] / vnde mit vasten . Dat her nigenk(er)ken vs het don vppe desse ding de hir vore screuen stat hebbe wi louet vnde louen mit [*vsen*] / vrö(n)den . wi her georrius pren . vnde conrat vnde ioh(an) sine sone . vnde ioh(an) pren vn(de) goschalk pren sines broder sone . her merten pre[n] / eyn ridder iohannes storm . vnde iohan pren de bochholte vnde georrius pren sin broder vnde merten pren van stenvelde vn[*de*] / henneke sin broder . vn tröwen albern bonsak vnde hartwich ramekendorpe vnde gert bonsake vnde ludeke barvotte vnde eren / erfnamen vnde vrönden . vor ene ganze sone . Des sint vse ingheseghele to desseme breue ghehenghet . Desse bref is ghe[*ge*]/uen na godes bort dusentiar drehundertiar in deme ennendruttichteniare . Des mitwekens na lichmissen

¹ Verschreibung, richtig goschalk